

DISSERTATIO PHILOSOPHICA  
DE  
**MVNDO NON  
OPTIMO**

QVAM  
CONSENTIENTE AMPLISSIMO PHILOSOPHORVM  
ORDINE

PRO RECEPTIONE IN EVNDEM  
DEFENDET

IN AVDITORIO PHILOSOPHICO

**M. DANIEL WEYMANN,**

RESPONDENTE  
**JOANNE CHRISTIANO GRANOW,**  
STOLP. POM. S. S. T. STVD.

OPPONENTIBUS,  
**JOANNE BERNHARDO SCHLEMÜLLER,**  
DOERSCHK. LITH. V. I. C.

**ERNESTO CHRISTOPHORO SCHVLTZ,**  
REG. PRVSSO. THEOL. STVD.

ET  
**JOANNE JACOBO KAEYSER,**  
REG. PRVSSO. PHILOS. ET THEOL. STVD.

DIE VIto OCTOBRIS  
**A. MDCLIX.**

---

REGIOMONTI,  
STANNO REGIAE AVLICAE ET ACADEMICAЕ TYPOGRAPHIAЕ.

VIRO  
SVMME REVERENDO, EXCELLENTISSIMO  
CHRISTIANO AVGVSTO  
CRVSIO,  
S. S. THEOLOG. DOCT. ET PROF. ORDIN.  
PHILOSOPHIAE PROF. EXTRAORD.

has vult esse sacras lucubrationes Dissertationis  
Autor atque Praeses

M. DANIEL WEYMANN.

VIRO  
REVERENDO, EXCELLENTISSIMO  
**MAGISTRO WEYMANN,**  
VERBI DIVINI MINISTRO IAEGERNDORFFENSIS  
ATQVE SCHOENAVENSIS COETVS,  
PATRVELI HONORATISSIMO,

Hocce doctrinae specimen offert obseruantissimus  
atque gratissimus.

M. DANIEL WEYMANN.



§. I.

**Q**uum de mundi optimismo opinio sit receptissima, mentibusque Philosophorum aequae ac Theologorum firmiter inhaereat, atque insideat, ne nouitatis videar iusto studiosior, admodum vereor. Evidem ego facilis largior, nouitatis amatores pruritu inuiciendi verniliter ductos animis de veritate sollicitis immerito illusisse, multisque figmentis atque commentis portam aperuisse, prout ab Huetio insimulatur Cartesius, aequone iudicet Joue, nec ne, sub iudice litem relinquo. Ex quo fore credo, vt idea nouitatis continuo sit odiosa, philosophorumque perfricit aures. Verum enim vero, qui recto veritatis insistit tramiti, omnesque et ideas curate determinatas, et demonstrationes ad Logices v. g. Crusianaæ et Hoffmannianaæ, quae vtraque præ ceteris omnibus est commendabilis, balancem studiose examinat, penitique: hercle non alio poterit culpari nomine, nisi, quod veritas ipsi sit cordi, eamque scrutari cupiat ardenter. Hacce vna ratione ad castra Crusianaæ philosophiae sequenda inductus abs Te, B. L. me impetraturum esse coniicio verisimiliter, vt me, Crusii celeberrimi Tirunculum, eius de mundo optimo sententiam saniorem defensurum omni diiudices candore. Nam Jouem lapidem iurans obtestor, me colere, obseruare, atque reuereri sanctissime Leibnitii et Wolfi Virorum Illustrium, insigniumque, memoriam, nec mihi persuadeo arroganter, fore vnumquam, vt ipsorum doctrinae amplissimæ ambitum licet e specula oculis

oculis perlustrare modo possim; eorum opera sunt excelsa; ne-  
mo tamen, nisi affectibus indulgens, Crusianas praferenti Theses,  
atque scita saniora, vertere poterit vitio, quod animum voluerit  
imbuere veritatibus, quae ipsi magis satisfaciunt, atque solidio-  
res, dictaminique rationis conformiores esse videntur. Quodsi  
tam Graecis, vt cum Horatio hic faciam rem, nouitas inuisa  
fuisse, quam nobis: quid nunc esset vetus, aut quid haberet,  
quod legeret, tereretque viritim publicus vsus? Jouem riualem,  
exclamat Crusii aduersarius, ferre non possum (Terentius.)

## §. 2.

Quoniam vero res, opinor, grauissimi est momenti, veluti  
nemini non apparebit, si ad rem paulo penitus considerandam  
accingere se non detrectat, maxime mihi videtur, necessum, me-  
umque, vt, ad euitandas logomachiae deuias ambages, atque  
contortiones spinosas, rerum, terminorumque praemittam no-  
tiones explicatas atque euolutas, nec non principia indicem,  
quibus tanquam fulcris subnititur totius materiae delineatio, at-  
que euolutio. Huncce in modum, ne deuies, firmissimus pone-  
tur obex.

## §. 3.

Primum quidem in ideam bonitatis inquirendum esse puto.  
Logices sanctionibus cautum est, ne relativa cum absolutis, ne-  
que abstracta pura cum impuris confundas. Est vero abstra-  
ctum purum, quod non tantum ex rei individuis, sed ex eius  
essentia abstrahitur: cuius observationis exemplum adducere  
alienum non existimo. Concpie itaque abstractum animi, v. g.  
eius rationis, quod sit voluntas, et citra erroris formidinem  
poteris asserere: omnibus entibus intelligentibus competit vo-  
luntas. Competit, aio et ego. Ast minime, quatenus sunt in-  
telligentia, sed quatenus sunt animi, s. entia spiritualia. Quocirca  
voluntas est abstractum impurum respectu intellectus, abstra-  
ctum vero purum respectu animi s. substantiae spiritualis. Qui-  
bus praemissis, fortiter affirmo, bonum et perfectum aequa inui-  
tem differre, ac absolutum, atque relativum; esseque abstracta  
impura ratione mutuae comparationis; hocce quantulumcum-  
que sufficere quidem posset, ni fallor; cum vero Definitio boni-  
tatis trita, Woflioque sit probatissima, abs Te iniquus depositere

non audeo, quo his paucis praestes fidem. Noli interim ab-  
 sistere, et in rimanda hac notione abstrusa atque difficillima co-  
 mes mihi adsis indiuulsus. Finit autem Wolfius, vt te non  
 fugit, bonum id, quod statum nostrum perficit. Inficias ad mi-  
 nimum ire nequis, huic Philosopho celeberrimo bonum et  
 perfectum esse Synonima, ipsique eadem venire significatione.  
 Qua de re finge arborem, cuius folia fere momordit aestus, eam  
 vero in praesenti pluiali humectari aqua, et omnem augor,  
 vsum loquendi sequi tibi videberis, quando verbis sequentibus  
 mentem efferre anniteris: arbori pluvia est bona, at quaero ex  
 te, sunt ne bonum, gratum, iucundum, amoenum, synonima, in  
 metaphysica saltem? quod mihi dabis, pol! nisi morosus videri  
 velis. Quo concessu verte verba: es ist dem Baum lieb, daß  
 er beregnet, er freuet sich darüber, und ist vergnügt. Reclamat  
 internus sensus. Quo instantiae telo nisi me omnia fallunt, re-  
 vera Wolfii assertionis infringitur vniuersalitas, quamvis te  
 praeuideam obiiciem: hocce exemplo bonitatem esse referen-  
 dam, ad substantiarum spiritualium voluntatem, hem! quam  
 belle tibi dees? nil gratius mihi hoc feceris: in temet ipsum  
 enim tela retendo, et concludere iuuat: Edantur indiuidua perfe-  
 ctionis, diuersa, ab indiuiduis bonitatis, siquidem pluvia perficit ar-  
 borem, antequam illiusmodi spectaueres voluntatem. Cape cibum  
 lautum, ita, vt melius tibi non fuerit vñquam, et nemini non  
 adfirmabis hilaris, cibum sapere iucundissime, et si sollicita adhuc  
 superest disquisitio, tene perficiat, nec ne? obuersatur tibi itaque  
 idea boni, cum nondum cogitaueris ideam perfecti. Superat in-  
 stantia maxime ardua, quae notionem bonitatis Wolfianam per-  
 quam labefactat; nimirum admissa boni atque perfecti identitate,  
 nullum datur bonum morale. Finge Atheum, finge Deum  
 ipsi sustentationem virium largiri, et conseruare pér gere, finge  
 habitus cupiditatum in ipso exortos ad perfectionem sui et alium  
 amandum inclinantes, tolle ex eius mente vim voluntatis, quae  
 vulgo ac barbare appellatur conscientia, a Wolfio perperam  
 ad intellectum relata, ne forsan in Atheo suboriatur libidinum  
 lucta. Quibus dispositis Atheus noster habitus suos ad maximum  
 euehere poterit gradum, splendidissimasque perfectiones exsere-  
 re materiales; ast ne micam quidem bonae mentis L. boni mora-

lis habebit. Exinde quoque euenisse arbitror, quod Wolfius princip. Juris Naturae constitutuum esse statuerit, perfectionem sui ipsius. Nisi enim ipsi notio hæc deceptrix suisset obuerlata: absolutum in stabiliendo principio J. N. relatiuo non praetulisset. Evidem recte vidit, principium hocce e numinis resultare voluntate, eiusque esse finem, et quidem ultimum, (qua de re principium suum iam antea definitum dein refert ad voluntatem Dei, et contendit: lex naturalis est lex diuina, propter approbationem diuinam.) Si memini, hocce mente voluit argumentum:

Quicquid Deus appetit, tanquam finem supremum; est principium I. N. constitutuum.

Perfectum est illud, quod &c. E.  
Verum enim vero perfectum et bonum s. voluntati conueniens, non sunt synonima, vti ei visum est. Quod si ita esset: sane sentiret. Sed primum potius spectanda est relatio, puta, convenientia voluntatis affectionis cum voluntate Dei, et hocce relatum inseruire poterit principio I. N. constitutuo. Quo tamen non excluditur perfectio, verum rite disposito ordine; scil. relatum s. conuenientia illa primum occupat locum. De quo alio tempore fuisus. Ne agre feras peto, quod paulum excurrerim, quod quidem ea ratione vitio ducendum non existimo, quoniam hac in re omnis vertitur cardo.

#### §. 4.

Cum in enodanda bonitatis notione satis insudasse mihi videar: ipsum mundi optimisimum scrutinio vt subiiciam, suadet ratio instituti. Vniuersi vero quod attinet definitionem, ei explicandae supersedere possum, quia hac in re Cruxius a Wolfio non dissidet, et vterque illud per systema rerum contingentium, et finitarum definit. Secus vero se habet res, in essentia eius determinanda. Nam non omnis definitio integrum rei essentiam exprimit, quod quidem quoque non est necessitatis.

#### §. 5.

Essentia vero est vel generica, cum opponitur attributis s. propriis et modis, vel metaphysica, quo sensu omnia complectitur, quae rei discernenda ab aliis possunt conducere, et sic spectata opponitur existentiae: locum vtrinque reductum obtinet

net essentia specifica, quae adeoque vel huic vel illi in determinationibus essentialibus, specificis proprius poterit accedere, v. g. hominis essentia generica est animal, adde rationem, et nova prodibit essentia specifica, quae erit hominis. Quodsi vterius determinando progrederis: plures condere poteris essentias specificas, v. g. eruditi, donec essentiam attigeris metaphysicam, quae praeter existentiam amplius non est determinabilis. Quae ea ratione mihi visa sunt adducenda, quia optimisimum perpendenti dubium Tibi posset obrepere, quo tandem perfectionum gradu determinationis mundus sit concipiendus, si sensu Wolfi ceteris omnibus venit potior reputandus, sic, vt non nisi hic individuus electionis diuinæ potuerit esse obiectum.

## §. 6.

Infra quidem humanas vires est positum; essentiae mundanae specificae exhibere praecisum determinationum numerum, quuum, vtut in essentiis mire compositis, quarum partes existunt separabiles, earumque adeo connexionis finis est sciscitandus, assolet: de eo tamen, credo, conueniet inter nos, Wolfium iusto plures venditare necessarias, atque ad essentiam referre specificam, quarum necessitas attamen precatio assumta minime potest demonstrari, quippe cum accidentales sint, iisque sine mundus posset manere optimus. Ex quo erroris fonte istud manauit paradoxon; quoduis miraculum requirere miraculum restitutionis. Sed haec hactenus, ne instituti rationis excedere et vagari videar cancellcs. Quocirca ad optimisimi impossibilitatem me accingo probandam.

## §. 7.

Quoniam vero mundi optimisimus, cuius vt memineris velim, accipi potest dupliciter: vtrumque sanae refragari rationi, mihi est euincendum. Primum quidem perfectionem omnium spirituum rationalium esse obiectum, te minime latebit, et quidem Numinis diuini absolute necessarium, contingentium vero hypothetice necessarium, quia perfectionis cupiditas est cupiditas radicalis, s. tendentia, quae in vi appetitiva subsistit immediate, nec aliarum tendentiarum est effectus, vt quidem innumerae aliae; adeoque eadem subiecto voluntatis inest immutabiliter. Qua de re optimismus huic voluntati diuinæ s. huic

7d velle diuino generali collatus hancce sortietur significatio-  
nem; mundus hic, qua suam essentiam et genericam, et speci-  
ficam, et metaphysicam est perfectissimus, s. omnes compre-  
hendit perfectiones compossibilis. Circumspice ergo omnia  
perfectionum genera, et contendere erit tuum: res creatae  
sunt numerice infinitae; earum essentiae sunt numero perfectio-  
num infinitae; eadem gradu perfectionum sunt infinitae, quid?  
quaeso! itaque impedit, quo minus sequens struam argumen-  
tum, quod certe sapiet auctorem:

Quius mundus a Deo electus, est infinitus. Hic mundus etc.  
Tuam quidem videberis rem agere, si primam reiicies propo-  
sitionem; verum enim vero tua, quid? quod, sententia perfectis-  
simum substituens infinito, in verba Wolfi iurare existimabor.  
Nam quanta morositas te ceperit necesse esset, si perfectissimum  
inter atque infinitum copulam intercedere arctissimam, et in-  
dissolubilem, mentem subiret negare? En castra Cartesii, quae  
fidus sequeris assecla, tibi firmiter confidens. Evidem te yi-  
deo assurgere, tuamque dicere causam, me male insimulantem  
fidei, quod mihi Wolfio affingere lubeat, cuiusmodi ei nun-  
quam venit in mentem, neque ullibi mundum conspicuum ap-  
pellavit perfectissimum; quantum memini, nedum infinitum,  
Accipe ad omnia. Bonitas et perfectio Wolfio pari ambulant  
passu, ex eodem atque fluunt fonte. Lubet hic huius interse-  
rere asserti probationem luculentam. In Wolfiana philosophia,  
cuius gnarus grobe sciet, vacuum exploditur disseminatum, id,  
quod ratione Leibnitiana suffulcire non intermittit Bulfingerus,  
quem adiens doceri poteris, ideo illud esse impossibile, quod  
omnes Deus non condidisset perfectiones, quot condere licuis-  
set ipsi. Quid inde emicat potius, quam quod optimismi per-  
fectio constitutat essentiam. Habeas me idcirco consentientem,  
Wolfio, mundum nuncupari perfectissimum, minime placuisse  
gentium. Eum tamen appellitauit optimum; optimismi vero  
essentia est perfectio, eaque interest identitas. Scrutemini sen-  
sum optimismi: Hic mundus est optimus, perinde est meus Fi-  
dius, ac hic mundus est infinitus. Praeuideo obiectiunculas,  
quae reliquae esse videntur. Regerent nimirum optimismi pa-  
tronii; mundus non est infinitus, sed ex pluribus aliis perfectis

perfectissimum s. optimum elegit Deus. Haec est disputatio grammatica per gradus comparationis. Ex Logicis etenim est repetendum, essentias absolutas physicas infinitudine posse augeri progressiva, quod vero de essentiis relatiuis non vniuersaliter, de quantitatius nullo valet respectu. Pauca idem explanabunt exempla, v. g. animae bruti indi potuisse perfectiones multo plures, quis est, qui auderet refellere? Ad tuam quidem accedo sententiam, eiusmodi accessione bruti mutari essentiam specificam, sed quid ad rem? remanet tamen substantia, nec non retinet subiectum, in quo et natuuae et accessoriae subsistente possent perfectiones, licet ens aliis euaderet generis. Angulus rectus vero accessionis est impatiens, quatenus essentiam eius, non nisi quantitatiam velis considerare, quia a limitatione eius essentiae quantitatiae per nonaginta gradus desumpta est denominatio. Ich kann sagen, ich denke noch dasselbe ens, v. g. brutum mit mehrern determinationen, und ist doch eben dasselbe. Und wenn ich bis ad gradum perfectionis hominis gekommen: so kann ich noch sagen, es ist noch eben dasselbe ens in alio statu determinationum und gradu perfectionum, aber ich kann nicht sagen: es ist jezo doch nur ein Thier, ob es gleich eben dasselbe ens ist. Aber bey dem angulo recto kann ich nicht sagen: es ist noch eben dasselbe ens, in alio gradu determinationum. Ex quo claret, quod in essentiis mere quantitatius gradus sit quoddam essentialissimum, minime vero in essentiis physicis qualitatius. Finge eam ob rem mundos plures possibiles. Dispicamus, num unus eorum esse possit perfectissimus. Sed quemque eorum perfectionum admittere augmentum, essentiasque et numero et gradu perfectionum adaugeri posse, sole clarius est meridiano, nam nullam infert idearum contradictionem, et suauiter potius aliae accedunt aliis, seque coniungunt. Quinam igitur mundorum possibilium erit perfectior reliquis s. perfectissimus? Etenim ceterorum concessis perfectionum accessionibus, illico tuo praecedent mundo perfectissimo, et unum eotum assumis precarlo perfectissimum, eique immerito adiudicas praerogatiuam. Nam numerus mundorum possibilium idealiter in intellectu scil. diuino est infinitus; partium mundum unum constituentium est infinitus, modi compositionis sunt infiniti. Nihilominus, simulacrum.

mundis s. mundo largiri velis existentiam; absolute necessario  
se adiungit finitudo per princip. contradicit: Qui itaque potes  
diuinac proponere selectioni vnicum mundum perfectissimum,  
cum reliqui eius egredi possint limites, et ad gradus euchi ex-  
celsiores? Wolfiana philosophia praesupponit essentias munda-  
nas determinatas, easque dein ponit esse immutabiles atque ab-  
solute necessarias, id, quod certe Logices sapit neglectum, acu-  
minis saltem Logici hebetudinem. Nam tolle ex mundo vel  
sexcentas perfectiones, nec reliquae eo secius poterunt existere.  
Ex quo tibi potest esse exploratissimum, eas inter nullam abso-  
lute necessariam intercedere coniunctionem, atque combinatio-  
nem, quia aliae ab aliis possunt existere disiunctae. Vnicum ad-  
huc augmentationi mundanae obstare videtur obstaculum, vari-  
atio nimirum generica et specifica, hocque, putant, modo  
per facile genus huius mundi in genus aliis esse degeneraturum,  
qualem transformationem dicunt esse contradictoriam. Fallunt  
multa, quorum vero refutatio foret laxior, atque in infinitum  
fere se extenderet. Obiter moneo, genera confundi per se, et  
per accidens, quo non perpenso generibus et speciebus nilest  
mutabilius, nil fluxius. Effinge, essentiae alicuius A qualitates  
esse B + C + D + E + F: essentiae vero alterius M qualitates esse  
N + O + P + Q + F. Pone vltterius, qualitatem F esse accidens  
praedicabile, s. naturale quoddam, quod adeoque salua rei es-  
sentia specifica abesse posset. Quo facto essentiae istae specificae  
carebunt genere v. g. sit Tibi aliunde notum, certam hominum  
cateruam esse malignam. Inde conde species: maligni sunt vel  
febri laborantes, vel incolumes. Tolle malignitatem etc. sed  
has subtilitates non amplius vrgebo. Essentias istas mundanas  
compositas esse propriis largior; ecc tamen nihilominus poterunt  
augeri, alteraque poterit superare alteram. Quodsi praeterea  
assumseris disparata, quae alteri mundo non competenter, adeo-  
que dari nonnulla, quibus in coaceruatione perfectionum sem-  
per careret, et tuum mundum perfectissimum hac de re non  
necessario superare; regero: concessis disparitatibus omnes per-  
fectiones compossibilis posse coexistere in uno eodemque sub-  
iecto, e. g. in ente a se. Quamobrem omnibus computatis tuo  
perfectissimo attamen cogitari potest perfectior. His Maierus  
mifis

missis ambagibus se expedit. En eius ipsissima verba (†): „Hier-  
„aus folgt nun unwiedersprechlich, daß diese Welt unter allen mög-  
„lichen Welten die vollkommenste, beste, und grösste sey, und diese  
„Wahrheit ist so untaugbar, daß nur ein unwissender, und ver-  
„wirter Kopf dieselbe in Zweifel ziehen kann,, et alio loco †).  
„Es ist also unbegreiflich, wie ein wahrer Verehrer Gottes sys-  
„tematisch auf den Einfall gerathen kann, daß diese Welt nicht die  
„beste sey. „ Quodsi, Vir celeberrime, Excellentissime! ad  
Crusum alludis, vt opinor, paulo plus humanitatis tibi com-  
mendo. Ne vim facias, Vir Excellentissime! almi vatis diuinī  
effato: „Moses sagt, Gott sahe an alles, was er gemacht hatte,  
„und siehe da, es war das beste, oder die beste Welt. „ Noli  
interferere, diuinaequis memor prohibitionis Apoc. 22, 18. 19.  
So jemand dazu setzt ic. neque eandem audentiae maculam tibi  
inuras, quae et dedecuit Cartesium, qui suo Systemati praesi-  
gnato fidem accommodare studens, omnia fidei dogmata pro-  
nuntiauit falsa, quae ei erant contraria.

## §. 8.

Omnia colligamus momenta; mundus est optimus, mun-  
dus est perfectissimus, sunt propositiones aequipollentes, et  
identicae, teste Maiero. Mundi insuper possibles numerice sunt  
infiniti, mundi perfectiones et partes sunt numero infinitae; gra-  
duis perfectionum sunt infiniti, infinitudine puta progressiva.  
Nisi enim omnia haec tibi arrideant: numinis intellectus in ar-  
ctum cogeres magnitudinem, quas cum absolute necessario sit  
infinita: reuera, dissidens impossibilia et contradictoria ires ad-  
structum. Status praeterea mundum reliquis omnibus perfe-  
ctiorem; oppositam interim propositionem, dari nimurum alios  
possibles perfectiores Tuo, minime vales amoliri. Hac de re  
tibi contradictionis multifariam,

Datur unicus mundus perfectissimus,  
Dantur alii mundi hoc perfectissimo perfectiores. Nonne haec  
involuunt contradictionem?

## B

## §. 9.

(†) Vide eius Metaphys. 4ter Th. p. 320.

††) ibid. p. 316.

## §. 9.

Quid igitur, quaeſo! remanet? nil, niſi quod hic mundus conspicuus admodum ſit bonus, eique Deus liberrime largitus ſit exiſtentiam, nec non eſſentialium complexum vlla ſine neceſſitate determinauerit ipſe. Id eſt, ſit tibi mente repoſtum, quod vitio potest verti philosophiae Wolfianaę, quod pro lubitu, quin! pro imperio formet determinetque ideas; poſt, per princip. contradic̄t. conueniat quid, atque diſconueniat, diiudicet et decidat. Sed dic, Sodes! facultatem intellectus idearum determinatiua nulli a Deo praescriptae normae eſſe putas allegatam? pol, ita eſt. Penes Te eſt minime, diuidere ac coniungere ideas, quoquaque te vertat libido. Tuum eſt contra circumſpicere, quae per naturam intellectus ſunt coniungibilia, vel inconiungibilia, quae separabilia, vel inseparabilia. Huius in praefenti eſt loci, repellere tela, quae plerumque ſolent intendi. En eorum vnum:

Si mundus optimus eſt poſſibilis: Deus elegit.

Verum prius. E poſt:

Verum noli progredi, niſi praemiferis probationem minoris. Id, quod infra tuas poſitum eſt vires. Hocce excipiat alterum:

Si Deus mundum non elegit optimum: nec eſt omnisciū, nec optimus.

Sed Deus eſt omnisciū, atque etc. E elegit etc.

Aſt te conſequentiae maioriſ probandae ſuperſedere non poſſe memento, ſi tuas velis rite ſuſtinere vices. Nam imposſibilia in bonitatis obiectorum numero minime ſunt ponenda.

## §. 10.

Vt me ad alterum diſſertationis momentum, quod muſto reſpiciſt grauiora, nec noſt in intima Wolfianaę philoſophiae inſpiciſt pectora, conuertam, exigit ordo, tempusque. Supra ſci-licet monui, alterū adhuc dari refugium, quod ex leni petunt interpretatione, quo, qua datur porta, poſſe le conſerre, ſic que euitare labyrinthum, cuius anfractus ingressi tortuosos alio nequeunt euadere modo, perſuafſimum ſibi habent optimiſmi deſenſores. Volunt nimirum, vt mentem aduertamus ad finem,

quem

quem Deus sibi proposuit ab aeterno, huicque conferamus mun-  
dum, quo ad ipsorum sententiam amplectandam nos iri inductum,  
extra omnem ponunt controuersiam. Sed ut verbulum in au-  
rem insusurrem, patiaris velim: a temet ipso desciscis, atque  
canis palinodiam, notionem transmutans boni, substituensque  
absoluto relativum. Eo itaque iam est peruentum, ut facilis  
michi praebeas aures, nosque inter conueniat, quia in optimismi  
notione determinanda videmur esse gemelli; siquidem concedis,  
optimismum esse praedicatum relativum, quod mundo nonnisi  
respectu ad voluntatem diuino habito, competit. Idcirco, qua  
vocum interpretationem, concordia inter nos existit. Quo facto,  
vnicum iurgia finire poterit argumentum; accipe istud:

Si solus hic mundus fini diuino fuit conuenientissimus: eligi,  
omnibusque debuit praefterri.

Verum prius, E et posterius.

Maioris consequentiam reiicere mihi nunquam venit in mentem,  
licet innumera fere habeam, quae quidem non veritatem maio-  
ris, tuam tamen probationem possunt infringere. Ast, quo  
fundamento nititur minor? negas, plures dari mundos aequa-  
conuenientes. Quidni? molestissimum Tibi foret, si, quod  
tibi tamen incumbitt, abolitionem tuae propositionis oppositi  
iniungere vellem. Faciamus vero periculum, oppositum tuae  
propositionis probaturi, et quidem eius primo possibilitatem,  
postea vero necessitatem. Propositio, quae pronunciatur falsa  
si impossibilis, vel idearum pugnam debet inferre, vel aliis ve-  
ritatibus contradicere demonstratis. Pronuncia praedicatum  
aequipollentiae de binis mundis. Quid tibi videtur? anne con-  
tradictoriis me implico, asserens: hi bini mundi fini diuino vlti-  
mo sunt aequa conuenientes? quin immo, eo vsque, puto,  
identitatem et aequipollentiam hanc posse defendi, ut nonnisi  
relationibus existentiae differant, et sane philosopharis; has ad-  
mittens propositiones: horum binorum mundorum alter est  
aequalis, similis, aequipollens alteri. Memineris tamen velim,  
me non affectare perfectam identitatem, ita, ut loci simul esset  
inclusa identitas. Inde satis est perspicuum, praedicatum aequi-  
pollentiae abstractum tanquam internum spectatum alteri mun-

do minime contrariari: adeoque propositio, alter mundus intuitu alterius est aequipollens, falsitatis haec tenus non est arguenda. Aliis vtrum contradicat veritatibus demonstratis nostra propositio, dispiciamus. Haec praecise est arena, in quam Crusio cum aduersariis est descendendum. Nam coelum commouent terramque, superos aequa ac inferos Crisum aduersus euocantes. Etenim Maierus insimulat Crisum malignitatis, quasi hic numinis Maiestati diuinae detraheret, ipsi denegando summam sapientiam, atque summam sanctitatem (moralem, vti ei lubet se exprimere, cum tamen non alia detur sanctitas, excepta maiestate) (†). Suscipiens Crisii defensionem, ultimum primo loco refellam. Peccare (peccasset enim Deus secundum Maierum, nisi optimum condidisset mundum) omnibus philosophis est, transgredi legem, peccare nonnisi spiritus dicuntur intelligentes. Quid? quaeſo! hac de re inuoluet secundum Maierum peccatum? Conquiramus omnia disiunctionis membra. Peccasset Deus, aut quia legem aliquam transgressus esset; aut, quia conuenientiam s. decentiam non obseruasset, aut quia essentiae suae contradictoria appetiisset. Omnia horum obtinet nullum. Deus nulli subest legi, quod si negas, nugaris, si metaphoricis vteris terminis, quo, obseruantia dignissimas violas Logices sanctiones; conuenientiam negligere, non est peccare, alioquin mensae accumbens in conuiuio solemni, ac manu temungens, peccares; essentiae contradictorium non est peccatum, quoniam, hoc admisso, nullum daretur peccatum (††). Quae cum ita sint: Maierus fouet conceptum sine omnibus determinationibus, id, quod est contradictorium, atque philosophum

(†) L. c. p. 325.

(††) Maicus Logici rigoris definitiū minime tenax, atque immemor esse videtur, et more Rhetorum rem quandam qualicunque indigitans nota, cognoscibilem exhibet, de essentia vero minime est sollicitus, quem naeum eius declarat peccati Definitio. Si enim Definitio Maieriana tibi esset probata: creatio mundi esset peccatum, nam actio illa libera diuina versata est in creando circa obiectum finitum, cuius receptiuitas infinitam actionem non admittit, qua de re creationis diuina actio in suo genere non fuit optima, adeoque peccatum.

phum tanti nominis dedecet. Sequuntur, quae sunt maioris momenti, quaeque speciem veritatis splendidissimas mentiuntur, viperam vero sub herba dissimulant. Deus nil facit frustra, scilicet sine ratione, non sibi praefinit fines, nec media eligit, nisi optima. Haec magnifice dicta, quamvis vera, falsa tamen evadunt, quodsi eorum applicationem ad mundum usque optimum se extendere fingis. Aperitur hic campus, in quem si excurrere luberet: typographo incommodaremus, qui tamen ne literam quidem imprimit, neque disponit, nisi sis nomen idoneum. Principium, ratio, causa, sunt Crusio synonima, Wolfio autem est causa terminus strictior, nec physices excurrit limites. Wolfius definit rationem per id, ex quo cognoscitur, cur aliquid potius sit, quam non sit. Insuper vero respuit rationis divisionem, in rationem realem et idealem; in rationem determinantem, et mere sufficientem; in rationem existentiae physicae, et existentiae moralis, in rationem iustitiae et prudentiae; in rationem energiae, et existentialem. Qua divisione multiplici posthabita ratio est terminus admodum complexus, qui multis erroribus praebet ansam. Cuius ut conuincaris cito, ob ambiguitatem huius vocis, influxus, atque harmoniae induci syncretismum, quippe cum teste Bülfingero influxionistae atque harmonistae possunt concinere, si modo actionis Definitionem huic scopo accommodes, eamque sequentem in modum interpreteris: anima agit in corpus, quatenus rationem continet mutationis in corpore, scilicet quatenus ex ea cognoscitur, cur mutatio in corpore potius sit, quam non sit, et Leibnitius non audet eam rationem vocare physicam, scilicet sufficientem, sed exiguum, putatum, metaphysicam teste Bülfingero. Noli aegre ferre, quod his allegationibus paulo fuerim multus, nam nimis sunt connexa, quam ut memoriam possint effugere; te vero monente, redeo ad rem, euicturus, per mundi optimissimum Dei tolli libertatem contrarietatis. Nimis audacter philosophatur Maierus, et nisi ad naturam intellectus et Logices regulas iubeatur attendere: cauillatoriis suis fictionibus nostro imperabit intellectui, et suum imponet: *αὐτὸς ἐφα*. Adde enim his verba eius: quae p. 322. existant: Allein, das ist eben eine von den Ursachen, warum so viele mensch-

menschliche Entschlüsse unausgeführt bleiben, weil Gott die beste Welt erschaffen hat. Et p. 333. Zum andern sind die mit Freyheit begabten Creaturen niemals, in ihren freyen Entschlüssungen, unabhängig. Sondern Gott, durch seine Mitwirkung, und der ganze Zusammenhang in der Welt, haben einen beständigen Einfluss in die Bestimmung des freyen Willens der Creaturen. Discutiamus quam primum seruitutis iugum, libertatem enim Maierus susque habet deque,

## §. II.

Ratione sufficiente posita, ponitur rationatum; causa sufficiente posita, ponitur causatum, et quidem per princip. contradicit. quia alioquin ratio non esset ponenda sufficiens ad actum. Praeterea actio non impedita sufficiens fortitur suum effectum, per princip. contradicit; alias ne cogites actionem non impeditam sufficientem. Motiuum etiam secundum Wolfianos est ratio s. qualitas rei extra intellectum, in intellectu repraesentata, quam Wolfiani appellant rationem obiectuam. Hoc amplius, secundum Wolfianos nulla actio libera, prae alia est realiter possibilis, nisi his rationibus obiectuis s. rerum qualitatibus in intellectu repraesentatis, praeualentibus. Nam haec est ratio, cur Leibnitius carpat Bailium, quod hic cum Schola libertati absolute s. electioni, sine ratione, s. facultati sibi pro lubitu formandi appetitum, adiiciat calculum. Dein obserues velim, quaevis motiuia esse concipienda, tanquam actiones intellectus, quae insua sufficiencia et non impeditio per princip. cocontradicunt, carere nequeunt suo effectu. Regeris, eandem volitionem, quae per motiuia hoc momento praeualentia produci delerit necessario posse impediri per alia motiuia, s. rationes memoriae, ingenii s. imaginationis adictas, siveque eam non esse necessariam. Bene, sed sequentes tamen rationes obiectuae necessario gignent volitionem; cui si refragaris: statuis progressum in infinitum, quo factio nulla plane prorumperet volitio in actum. Manet itaque res salua, quod nimirum eo momento, quo rationes praeualent obiectuae, necessario sequatur volitio, cuius concessioni ne te subducas, aliud iuuat tibi reuocare in memoriam argumentum. In Wolfiana philosophia indifferentia aequilibrii est ens rationis, teste Can-

zio et Bülfingero, quod tamen aequilibrium et in brutis et in spiritibus obtinet, licet modo diuerso. Didici insuper ex Bülfingero, a Leibnitio distingui inter indifferantium exercitii atque aequilibrii, haneque effungi tanquam aequalitatem rationum, qua representatarum in intellectu, et nondum inclinantum voluntatem, quae fictio est absonta, quia motuum sine inclinatione concipi nequit. Quocirca amplius quicquam ad tuam eliciendam confessionem in admittenda necessitate consecutionis voluntatis praesenti, motiuorum s. rationum praeualentia, opus esse non existimo. Iure gaudeo rem ad mei vertendi commodum, eandem profitentur bruta naturam, et per tuam conuictam libertatem nostrae necessitudinis essent digna, nisi facultates intellectus superiores tibi reseruasses. Ob eandem rationum obiectuarum praeualentiae effectam necessitatem Leibnitio venit in mentem, nouum introducere principium, quod nomine insigniunt principii indiscernibilium, vi cuius nullum elementum alteri est simile, et quidem ea ex ratione, quia Deo nulla ratio fuisset obuersata, cur alterum in huncce collocasset locum, alterum in alium.

### §. 12.

Haec fuse explicata mihi fuppeditant occasionem argumentandi:

Si Deo creanti, ratio mundi optimi est obuersata: mundum optimum elegit absolute necessario. Verum prius. E. Post: Minoris probationem sibi arrogant Wolfiani. Consequentiae vero probatio est perfacilis. Nam Deo volenti creare, mundi optimi est obuersata ratio praeualens, prae rationibus obiectuis omnium mundorum reliquorum. Horum igitur rationes obiectuae fuerunt ad actum insufficientes; optimi vero ratio obiectua fuit sufficiens ad actum, quae idcirco electionem prae ceteris necessitauit. En sublatam libertatem contrarietatis, quae est facultas spiritus intelligentis, inter plura motiva hoc vel illud sine vlla necessitate praefferendi. Forsan tibi satisfaciens Baumeisterus, \* cum sua despotica responsione: „Quasi vero electio optime

<sup>2</sup> In philosophia p. 597.

optimi non stare posset cum libertate „. Quasi enim inquit, quod certe est solidissimum argumentum. Noli dicere causam pro sola Dei sapientia, nihili habita libertate, nec non caue, ne illudaris, alteri atque alteri Dei attributo quicquam adscribens, quod reliquis detrahit. Sapiens ille est, qui nec fines eligit, nisi bonos, nec media iis cooptat, nisi aptissima. Sapientissimus est, cui haec proprietas inest cum infinitudine. Simulac vero selectioni diuinae praescribis mundum optimum, infinitudinem graduum cum infinitudine confunderes essentiali.

## §. 13.

Quod rationes obiectuæ s. motiuæ, fide philosophiae Wolfianæ authentica inferant necessitatem, alia adhuc me possunt ab oneris probandi liberare molestia. Obuiam Wolfiani Socianis et Poiretio præscientiam actionum liberarum in dubium vocantibus eundum necessum ducentes, pressi argumentis postremo profitentur, omnia esse determinata teste Bülfingero, qui omnem determinationem in suis dilucidationibus tractat polixe. Aegerime fert Leibnitius, et ira fere in Lamium excandescit, quod ipsi arguento pro libertate inexspectatum substraturo robur inhumane exprobret eiusdem labefactionem, cum, ut sibi persuadet, suo harmoniae systemate libertatem produixerit in apricum. Intentio fuit bona, persuasio vero immatura, etenim rem confectam esse putat Leibnitius, quum ab extra volitionem non produci probauerit, principio interno s. spontaneitati iusto nimium confidens, quo quidem coactio ab extra, non vero necessitas vanescit. Tria dantur requisita secundum Leibnitium, quae libertati concedunt domicilium, intelligentia, spontaneitas, contingentia. Priora bina non afficiunt libertatis essentiam, quia elementa intelligentia et bruta spontaneitate pollut. Ultimum vero Leibnitius non relinquit, quoniam, quamuis volitionem praecurrit rationum obiectuarum superpondium, cui affingunt lene cognomen, et certitudinem nominant. Ne graueris adire la Theodicee, et quidem de l'origine du mal p. 74. ubi sequentia legere licet: „Ainsi les qualites des objets, comprises dans leurs idées, on fait la raison, de son choix.„ Me iniurium fore minime existimo, si verba: On fait, per, determina-  
naue-

nauerunt, explico. In denique congressum cum Bailio leuem, et occurre obiectioni eius dans la Theodicee p. m. 936.

Quiconque ne peut manquer de choisir le meilleur, n'est pas libre.

Dieu ne peut manquer de choisir le meilleur,

Dont Dieu n'est pas libre.

Huic obiectioni refellenda Leibnitium reperio imparem. Maiorem aggreditur contendens, eam esse libertatem perfectissimam, quae plane nequit eligere, nisi optimum. Prospicit electioni, eandem tollendo. Nam ubi unicum est electionis obiectum; ibi electio non potest defendi, quia haec plura presupponit, quorum alterum libertas aequa facile potest eligere, ac alterum. Vtitur insuper comparatione, quae luculenter demonstrat, cum in cogitationibus incertitudine fluitasse: „a peu pres comme l'on fait, quand on parle, de la colere de Dieu.“ Sed poena est consequens absolute necessarium peccati,

#### §. 14.

Lubet prolati summatim colligere, argumento practico causatio;

Q. ponunt rationes in voluntationibus determinantes, tollunt libertatem. Wolfiani ponunt &c. E.

Maior est axioma ontologicum. Minoris veritas ex scitis Wolfianae philosophiae illucescit.

#### §. 15.

Crusius quidem ulterius rem vrget, Wolfianis libertatem contradictionis auferendi conamen adscribens. Sed bilem mouere, et iecur vrere nolo.

#### §. 16.

Ne vero indicta causa me recipiam: ei, quod palmarium est nostrae Dissertationis, lucem affundam. Incidit enim quaestio, quei tandem decretum voluntatis transiens in actum prorumpat. Videtur quidem haec materia dilucidationem, tam artis inclusam cancellis, non pati, quia integrum noologiam, ac Telematologiam mihi foret percurrentum, quod in praelectionibus commodius fieri poterit. Sed breuissimis indagatione dignissima attingam. Ne autem iis, qui principiis Wolfianis vnicore inhaerent, in Scyllam videar incidere, Charybdin vitare studens, hanc volui praemittere praemonitionem. Noli nim-

rum vereri, ne a materialistarum stem partibus, animamque  
 entibus compositis accenseam, si ipsi virium in subiecto animae  
 substantium multitudinem adiudico, nam extensem est illud,  
 quod pluribus constat substantiis peculiare occupantibus spacio-  
 lum. In praesentiarum vero, me his non immisceo, licet ratio-  
 ni reddenda paratissimum me experieris, si impossibilitatem  
 ostendere anniteris. Onus solum nunc in me suscipio, mon-  
 strandi modum, quo actio liberrima possit resultare, quamuis  
 omnia adsint motiva, in partem oppositam inclinantia, id vero  
 probaturus, hanc ingredior viam: motiva sunt conditiones, sub  
 quibus voluntatis tendentiae excitantur, et ad viuacitatem mo-  
 tiuorum se referunt. Quod Deus has agendi animae indiderit  
 normas, et tales constituerit animae essentiam, a posteriori do-  
 cemur. Ne appareamus obscuri; felicatus exemplum luculen-  
 tissimum, aequilibrium scilicet volendi et nolendi. Fac, adesse  
 motiva, et numero, et intensione aequalia. Quid suborietur et  
 resultabit? Wolfiano nulla alia responsio est reliqua, praeter  
 sequentem: sequitur status inactuitatis, adeoque nulla plane  
 actio s. volitio. Quae si tibi insidet opinio: semper fere versare-  
 mur in statu inactuitatis. Quia in tam multis cupiditatibus  
 simultaneis per facile potest contingere, ut contrarii exoriantur  
 nisus, qui se destruunt. Secundum Crusium vero omnes eu-  
 nescunt difficultates. Nam libertas est peculiaris vis, saltem ten-  
 dentia, quae balanci aequilibranti superpondium parit. Quid?  
 quod, si in alteram partem multo fortiora, et multo plura mo-  
 tiva inclinantur, libertatis actio nihilominus ista potest superare,  
 minoribus se coniungens, si modo eius intensio proportionaliter  
 increscit. Cum vero libertas sit vis finita, adeoque summum  
 agnoscat intentionis gradum: fieri potest, ut a motiuis superetur,  
 quem statum si perdurantem supponis: oritur seruitus moralis,  
 et eiusmodi homo suam sequitur naturam peccaminosam, more  
 brutorum. Omnia motiva itaque nonnihil inferunt possibilitem  
 realem s. perfectam, existentiam vero superaddit actio libertatis,  
 quae aequa potest suam actionem inchoare, atque remittere.  
 Quae cum ita sint, putas forsan: motiva nihil sunt habenda  
 Minime, nam alliciunt cupiditates, quas libertas dirigit. Quod  
 si ita

Si ita descriptam facultatem respuis: veram exterminabis continentiam, sicuti et Leibnitius eam non relinquit. His enodatis, ex me quaere; num Deus inter duos mundos similes et aequales unum potuerit eligere? Ajo. Reponis: id fecisset sine ratione. Nego, nam vis infinita fuit ratio efficiens, finis, quem sibi proposuit fuit ratio moralis, ex quibus duabus rationibus, intelligentia et cupiditate computatis, volitio potest in actum erumpere. Crucis, Virum diuini ingenii suis encorniis defendat Hostiarius Epist. I. Libr. II.

Vrit enim fulgorē suo, qui p̄ae grauat artes

Infra se positas: extinctus amabitur idem.

Praesenti tibi maturos largimur honores:

Jurandasque Tuum per nomen ponimus aras,  
Nil oriturum alias, nil ortum tale fatentes.

Sed

Nisi, quae terris semota, suisque  
Temporibus defuncta videt, fastidit et odit.

Sic Fautor Veterum

Si quia Graecorum sunt antiquissima quaeque

Scripta vel optima: Romani pensantur eadem

Scriptores trutina: non est, quod multa loquamur:

Nil intra est oleam, nil extra in nuce duri &c. &c.

[Respondenti Honoratissimo

S. D.

M. DANIEL WEYMANN. Cultor.

Jam iam quam plurimi faciens Tuam, literarum decus amictiam, me Tibi commendaturus, paululum haereo pendulus, atque subuerens, ne brevioribus Te ornem foliis, quam quidem Tua deponendi merita possent iure; quoniam istorum testis esse fidissimus, eaque optime possum dijudicare, primis ab annis Te Tuamque soleritatem intuendi atque admirandi voluptate fruitus et honore. Verum enim vero ista licet meam supererent dicendi facultatem atque excedant: vetat me tamen silere aequi justique custos. Audaces fortunam ibuare attentione dignatus mihi videris, nec non perpendisse, non nisi per ardua dari ad hono-

honores iter. Nam non cuius, coelestia tentans, solium attin-  
 git Jouis, neque cuius contingit adire Corinthum. De his ple-  
 nissime persuasus, studia vero vnicē diligens, nullos horru-  
 labores, spe fretus, fore, vt auctorum meminisse iuuet, fixis  
 tis luminibus ad imitabile instar ad summaque tendens, spinas in  
 gloriae tramite interspersas pedibus deculcasti, animi fortitudine  
 superbiens, atque segnitiei spernens mollitiem, Tua ingenii vena  
 fortis benigna. Quibus omnibus cauisti, Amice! diuino felici-  
 ter, ne mutata retrorsum Te ferat aura. Recipit Te iam, Ami-  
 ce! in antecessum literatorum orbis in ordinem suum augustissi-  
 mum, doctrinaeque fulgore splendidissimum. Gratulor Tibi,  
 gratulor, inquam, maiora adhuc sperans de Te. Velis hic,  
 Amice dulcissime! mea ignoscere ambitiunculae, si eam ita vis  
 appellare, peto quaeisque, cum gaudio me exsiliare Tibi assero,  
 me mihi posse alias tribuere partes, nec non Te, quid? quod  
 honore me habere dignum, Tua ingenii ornamenta vterius exor-  
 nandi, atque ad gradus extollendi sublimiores. Sed arrogantiae  
 expeto veniam. Agedum, Amice! noli absistere, et, me sua-  
 fore, solitum Tibimet ipsi, ardore sueto et non interrupto, adde  
 calcar. Viuas felix, viuas beatus, viuas mecum in necessitudine  
 familiarissima. Nostra nobis communia studia nostras copula-  
 bunt voluntates magis magisque. In sempiternum efflorescit  
 Parentis almi in Te memoria. Mandes eam immorta-  
 litati, meique sis memor. Vale!

